

**LEZAMA KO UDAL PILOTALEKUKO INSTALAZIOEN
FUNTZIONAMENDUARI BURUZKO ARAUAK ARAUPETZEKO
ORDENANTZA.**

1.- Ordenantzaren xedea

Ordenantza honen xedea Lezamako udal pilotalekuaren funtzionamendua araupetzea da.

2.- Baimendutako kirol praktikak

Udal pilotalekuko instalazioetan pilotalekuan egin daitekeen edozein kirol egin daiteke: eskupilota, pala, frontenisa, etab.; jokalekuari kalteak eragiten ez bazaizkio betiere. Instalazioak aipaturiko erabilerak ez beste batzuetarako erabiltzeko, edonola ere, Udalaren alde aurreko baimena izan beharko da.

3.- Orduak erreserbatzea

Udalerrian erroldatuek zein erroldatu gabeek erreserbatu ahal izango dute ordua. Horretarako, 15 eguneko epea irekiko da, interesatuek erreserbatu nahi duten ordua eskatu ahal izan dezaten.

Erroldatu gabeek tarifa ezberdina edukiko dute eta libre geratzen diren orduak soilik erreserbatu ahal izango dituzte.

Erreserba taldeka egingo da, eta talde bakoitzean gehienez lau pertsona egongo dira. Orduaren erreserba egitean zenbait talde bat etorri gero, udalerriko biztanle gehien dituen taldeak edukiko du lehentasuna. Egoera berean egonez gero, zozketa egingo da. Erreserba ordu osoka egin beharko da, eta instalazioaren arduradunari eskatuko zaio adierazitako epearen barruan. Gehienez bi orduko erreserba soilik eskatu ahal izango da.

Erreserbak gehienez sei hilabeteko epealdian izango du baliozkotasuna.

Epealdi hori igarotakoan, berriro banatuko dira orduak. Horretarako, sei hileko bakoitzaren justu aurreko hilabetean hurrengo sei hilekorako orduak erreserbatzeko eskaera egiteko epea irekiko da, eta horrela hurrenez hurren.

Udalerrian erroldatuta daudenek identifikazio agiri baten fotokopia aurkeztu beharko dute, beren datuak biztanleen erroldan agertzen diren egiazta daitezen.

Izena eman duten pertsonak pilotalekura eskatutako orduan joateko konpromisoa hartu dute. Dena den, erreserbatutako orduan baja eman ahal izango dute, jokatzen beste pertsona batzuk joan ohi badira (kasu horretan, joan ez izana ez da justifikatua izango) edo ordua erabiltzen ez bada.

Nolanahi ere, dagokion tarifa erreserba esleitzen den unean ordainduko da, eta haren zenbatekoa ez da itzuliko.

4.- Erreserbatu ezin daitezkeen orduak

Honako ordu hauek ezin izango dira erreserbatu, berariazko aprobetxamenduetarako zuzenduta baitaude:

- Astearte eta asteazkenak, 17:30etatik 22:00etara, eta ostegunak, 18:00etatik 20:00etara, Pilota Eskolarentzat erreserbatuta.

5.- Funtzionamendu ordutegia

Udal pilotalekua honako ordutegi honetan egongo da irekita:

- Astelehenetik ostiralera: 16:00etatik 22:00etara
- Larunbatetan: 10:00etatik 14:00etara eta 16:00etatik 21:00etara
- Igande eta jaiegunetan: 10:00etatik 14:00etara eta 16:00etatik 20:00etara
- Kirol ekitaldiak: bukatzen diren ordura arte

Orduak erreserbatzeko muga aipaturiko ordutegikoa izango da.

Kirol instalazioak, urtean zehar, egun hauetan ixita egongo dira:

- Urtarrilak 1, Urteberri eguna
- Urtarrilak 6, Errege eguna.
- Ostegun Santua
- Ostiral Santua
- Pasko Astelehena
- Irailak 8, Andra Mari eguna
- Abenduak 24, Gabon eguna
- Abenduak 25, Eguberri eguna.
- Abenduak 31, Gabon zahar eguna.

6.- Erabilera publikorako erreserba lehentasuna.

Nolanahi ere, Lezamako Udalak pilotalekua beharrezkoak liratekeen orduetan edukitzeko eskumena izango du, udalaren ekimenezko kirol izaerako edo kirolaz gaindiko ekitaldi publikoak edo udalaren onspena edo baimena duen beste edozein ekitaldi ospatzeko. Horretarako, eta alde zuzenetik, Udalak instalazioaren arduradunari ekitaldia ospatuko dela adieraziko dio, ordua erreserbatzeagatik kaltetu litezkeenei jakinarazteko.

7.- Erabiltzaileen betebeharrak

Izaera orokorreko beste betebeharrak batzuk alde batera utzita, erreserbaren titularra eta instalazioen erabiltzaileak behartuta daude erabilitako kirol esparrua behar bezala erabiltzera.

Kirol instalazioak erabiltzeari buruzko arauak ez betetzeak espediente zehatzaile bati hasiera ematea ekarri ahal izango du, eta arau-haustea eta horiei dagozkien zehapenak Toki Araubidearen Oinarriak arautzen dituen apirilaren 2ko 7/1985 Legearen 139.etik 141.era artikuluetan agertzen direnak izango dira.